孟

子

篇

敘

丘子節文 //メート 章只是駁告子之言駁倒便住不與深言季子是附首章辨為 孟子言性善固謂性有仁義然至公都子章方揭宗旨而此五 九章言心末章言學要之性是心之理良心即是性其言心處 買以明性善即言學亦是心性之學也而上篇固有逐章相聯 此篇是孟子言性之書熊氏禾謂首章至六章言性七章至十 **賈者** 王下篇皆以 發明其旨 丁篇敘卷六 告子全篇 **札柳五章** 華亭姜兆翀孺山

五十分分 仁義之說猶未明出善字至次章人性之善句乃是性善正文 後孟子殊甚今觀其書以孟子爲畧法先王而不知其統則顯 牙後爾史記前卿與孟子同傳然世次在後前卿在齊襲王時 是以氣質言性初不以義理言性也荀卿後告子則直是告子 卿性惡之說者首言性惡善偽似屬有激之言然觀其所言亦 是全篇扼要處 **番申為李園所殺釋之此事在秦始皇九年而其書已言之則** 在赧王五十一 丙午也荀卿爲令實在此時又其書言春申道綴基畢輸註以 一為祭酒適楚在春申君時為蘭陵令考春申君相楚考烈王 一年至春申君滅魯則赧王五十九年乙已後之 告子杞柳湍水之喻是以氣質為性註引前

五十一一 一人以外 **脖**典 此孟子斥告子之意也或因註生指人物之所以知覺運動者 問如何為性而以耳能聞目能見作性不知這箇**禽獸**皆知的 告子見地陋劣以知覺運動為性絕不知性有仁義來此如價 是朱子註出不是告子說來告子意中實無所以二字今又可 而言謂所以二字即佛家淨妙明心之說此論非是所以二 集註請朱子言淨妙明心乎 生之章 食色章 子註序謂爲荀孟是躋茍於孟也豈不

之說云爾及孟子問之乃舍食色而言長長則因孟子素言敬 告子以食色爲性仍是前章生之爲性之意而此章却已不敢 以為言也告子以為事皆外至孟子則以制事之心由於內可 長之義而易其說也下言愛弟則又因孟子素言親親之仁而 空言性姑認箇仁字而仍劃出義字至仁內義外皆以食色言 即合於義原非性中帶來則性固是惡此仍是以人性爲仁義 可悅不可悅便是義外朱子推其意以為不必求合於義要之 甘之悅之便是仁內其於食而制為可甘不可甘於色而制為 見義非在外則仁益非外而性善可知也至食色不可謂性之 The second

當日經文實未嘗有孟字也若果孟子弟子何不親詣孟子而 按孟子三 言彼字 固是指斥外人語氣然則孟字必因南宋時 為義外也是無孟字孫疏季子即下卷季任四書考異謂可見 此章浮子是深入平告子之言者公都子夏日一 公正二 等列文 於祭者子行也又儀禮士虞禮男尸節買公彦日男尸先使適 煩公都子轉帳耶且政和封號何以有孟仲子而無孟季子耶 **亦有外與句來** 本而致誤耳 不以祭祀之尸解朱註解為所以象神按祭統所使為尸者 **壶季子章** 1 /W. 1. 孟季子註謂孟仲子昆弟若避註季子亦以 弟為尸趙註弟在尸位孫疏則云弟爲主此 <u>م</u> م 一語即本

乃落後一層蓋性無聲臭不可名言亦惟因情以驗性而性自 此章是孟子剖析性善正文合下五章以為總結其情才之說 此別主祭者與尸不是兄弟行兹云敬弟殆以助祭者兄弟弟 孫無適孫乃使馬孫又無孫節鄭康成謂無孫列可使者 見情亦有偏者孟子以情之正者言之故言惻隱羞惡恭敬是 子言之與 非性善只是性有仁義體智耳非由外鑠句正對告子以人性 同蜂也故才亦有美惡孟子只就能行此惻隱羞惡恭敬是 仁義及義外之說講鋒當如考工記錄金寫刃句趙氏鴻註 公都子六章

其オ也 之才而言故才亦善求則得之二句求則能用其才舍則不用 好善又好暴可知按釋詩分性情才孫疏已謂有物有則是謂 說不善非才之罪對第三說末引詩亦三意俱明以有物則性 致疑於性故孟子謂情可以爲善對第二 性言第二說乃因情之流而致疑於性第三說乃因才之偏而 八九二 新了仁 故仁義禮智信象金木水火土也六情本於六氣故喜怒哀 性善能秉其桑是謂才也好是懿德是謂情也此於書解最晰 非無善可知以秉獎則才非有善有不善可知以好德則情非 物則解古註物象也則法也性有象情有法五性本於五 公都子所問之三說浙吺存愚謂問之第一說直指 一說乃所謂善對第 4

電羞惡心理義程子謂在物為理處物為義蓋如當例隱當差 從皆有生來惟皆有故同然也同然者開理義即是從惻隱羞 情生於欲以繫念此又是以物為性則爲情者 惡恭敬是非指出仁義禮智意首言陷溺其心蓋心統性情情 **聚惡法乎陰陽晦明風雨也孝經援神契云性生於陽以理執** 三二角角 |章重申上章人皆有之之義文勢直趨到心之同然上同然 |殊亦緣情害性耳而性之善||可見 則性鴻而惻隱者不惻隱羞惡者不羞惡恭敬者不恭敬是 富炭章 个是非而無以盡其行懶隱羞惡恭敬是非之才然非才 同然如同以為當惻隱

御案南麥多種於仲冬北麥且有種於仲春者不惟秋也然惟秋 也幾希則反是矣 即是仁義禮智矣下章好惡好謂當惻隱而惻隱當羞惡而羞 此章是申前章倍蓰無算不能盡其才意文勢直趨梏亡不逭 種者得四時之氣爲全故食之最有盆北麥秋種至冬盡麥而 惡便是理當惻隱者,而惻隱焉當羞惡者而羞惡焉便是義則 丘产等女 惡者惡謂當惻隱而不惻隱當羞惡而不羞惡者此與人相近 根力已厚其收視春種者倍之遵此則麥之種固可言同 牛山章 一未嘗有才豈人之情繳應尤醒由陷溺其心而放其良 を対 **麰麥樹之時同解考月令仲秋種麥節** 五

志勿若與日非然也卽云非天之降才爾殊由不專心致志故 也此可見書脈相承 聞編亦謂一 此章亦與前章相質蓋由養心之說而進之以專心致志也紹 生意也蔡虛齋云告子一篇全是發明性善之言此云為是其 養四句卽求則得之二句意 牛嶺峙其南謂在今臨淄縣南一十里括地志所云上有管仲 三二人人 心則又逼進一層以下說到養字是示人以收放心之學也得 冢與桓公冢者是註作東南少誤 無或章 暴十寒即山木之意吾如有萌焉乎哉卽萌蘖之 イスラ 又公都子章言四德以後各章多言仁 牛山西青釋地引左思齊都賦

孟子篇版 此章大旨是更發明羞惡之心人皆有之之義失其本心即舍 編於此以綜前章耳 心言而以智之明睿言也 本心是失羞惡之心當更補出失惻隱之心一層意方與前後 則失之之謂也前並言惻隱羞惡而此處單言義不及仁者則 公孫丑篇今人乍見節已具惻隱皆有之旨故不更贅也須知 子人井與乞人勿屑恰是對扇文字此可於章首領清又失 時說話但不重齊王特引齊王作樣子當是會言不智而 魚吾章 而此章特提智字以爲結束然此章智字不徒以是非之 一卷大 上章言齊之牛山此章言齊王似 大

情故於此章揭出蓋就仁而析言之則為愛之理所謂惻隱是 **也羞惡之心義也說來蓋自告子論仁義及仁內義外云云孟** 此章是以求放心總結上數章之意仁義字從上惻隱之心仁 生厚則安存之慮深人之営營擾擾身名盡喪者大抵萬鍾之 也就仁而統言之則為心之德乃孟子不徒目心德而直日 子固辨之而未告之以仁義之實至惻隱羞惡則尙是仁義之 念誤之耳此所謂物欲陷溺 則尤警切矣以義之觸發處言則爲羞惡以義之 仁人心章 通 行乞弗受而卒至不辨禮義蓋事苦則矜全之情薄

為心之制事之宜而孟子直曰人路則更指實矣而非皆性之 143 . S. com 1. 1 此則示人以心性之學也 庸之博學審問也空言心性則學者從何處入手終當以學問 知求放心者按此亦分劃不開蓋從前數章來失其本心即是 謂上章是不學無術之徒喪失本心者此章是有志向學而不 問學兩事云云要之孟子此章直融尊德性於道問學也翼註 為始基朱子答項平甫書云子思以來教人之法惟尊德性道 固有者乎此與雅婁篇內安宅正路節異彼以人君行仁義言 放其良心特孟子於此章重揭求字以示學問之要耳 今有三章 11.00.00 學問之道不得滑過蓋學問即中

養身內又分養小體養大體也桐梓云云即前章山水之說也 心及放心不知求來是心不若人也然是空提心不若人 五三角多 **愛養承上草來然重在養故此章單言養養其大者為大人句** 此章唱嘆出養字而養身內固含心字仍未說破濫通下章看 孟子居鄒時事也實當是自鄒言之 此下三章是文法
一章是文法
、與處此章從前數章言放其
及心失其本 本上章牛山及齊王說來謂從在齊言之然合下篇看則此乃 知惡至養心養字則在下章揭出 不遠秦楚之路四書釋地 拱把章 人之兩章 ノネン

重在仁義故張敬夫日忠信只在誠實此一 此章從上章大人 此章因上章言小人大人而重申之其以從字換去養字似為 五子篇改,一则各大 法波瀾而要是為大人分疏也翼註謂仁義忠信即性善樂善 目是從耳之於聲目之於色來 更端起義然云其大者其小者要仍是上章之說 倦即好是懿德章脈仍在前數章甚是按下章亦言仁義則 公都子章 天爵章 章總東也章內口腹飲食是從口之於味來下 /說來拈出爵字又分為天爵人爵此孟子文 一者 八

義作結 告子全篇俱言性善性善則人皆可為聖人但進為之方循循 此章從上章衙字生出貴字貴於已即是天爵也故亦以飽仁 立言大旨 之為求虧之媒人虧之從未嘗幸之爲修爵之效此方得孟子 不是為修天爵者歆之以人爵也孫月峯云天爵之修未皆假 一章是孟子唱嘆仁字處 欲貴章 羿之章 仁之二章

善而舒惡抑邪而扶正而天下之事可得而理據此說以觀孟 にない いまた 孟子折之以珍兄踰牆而不為此以見禮不可廢而人性皆善 甘食悅色以義爲外郎以禮爲外可知而任人乃附和其說也 子此篇則各章固皆以發明性善也此章則四書翼註謂任 此篇義似各出然蒙引謂性旣是善然後君師之道可舉以賞 有序其定法與彀同與規矩同也故以 可知也 似告子之徒不是論禮但借此以攻性善二字耳蓋告子惟知 任人章 任考大事記謂春秋時太晦之配猶有任宿須何節 / 羿大匠終此篇 非子所謂立尺材於高山之上意則可從趙註 禮之輕者 **叉者也又禮有不親迎則婦人三月然後婚見之禮存焉是固** 原多出入儀禮若不親迎節敖氏羅公日謂使人迎之此指無 彭聃或别一 會附庸與鄉相近四書釋地謂今濟寧州東任城廢縣是去古 與集註樓之高銳似山者異典故辨正謂升寸水於岑樓猶韓 族畧晉賢人屋廬子著書言彭聃之法種氏謂孟子之徒豈言 且季任事亦屋廬子來問豈屋廬子即任國人與 鄒城百二三十里故是廬子明日即之鄒也 / / / / / / 人數又孟子在鄉而屋廬子在任旣之鄉旋往應 アをラ **岑樓趙註山之銳嶺者孫疏引山小而高者日岑** 屋廬子通志氏 親迎之禮

御案孟子時猶有曹交為曹君之弟則戰國時曹尚未亡蓋滅而 復存如陳蔡許之類遵此可正王伯厚曹亡久矣之說或泗上 公正公 等好父 此章謂堯舜可爲只在孝弟孝弟之本在仁 **若在顯王時則孟子|不得稱鳥發 乃在是時稱之此可因鳥獲以証曹変之見爲在赧王時也** 力戲力士任鄙烏獲孟說皆至大官則烏獲以是時顯而孟 一小侯內未必無曹也 曹交曹君之弟,春秋哀八年春宋公入曹以曹伯陽歸 曹交章 烏獲考通鑑赧王八年秦武王好 一義則固跟性善說

可一条条 共一百十年至赧王初年高叟當百數十歲矣則决非高行子 親受業子夏之高子則閱威烈王以及安王烈王顯王慎靚王 則已失其義矣云云,子夏在魏文侯時當威烈王年問如問 古今上章言堯舜孝弟此章言舜孝亦是道性善必稱堯舜之 此章不為平王辨為小弁辨並不為小弁辨為高子辨也大行 业 于所謂高子也以孫本釋實尸為靈星尸以小弁爲小人之詩 是要人知親親之為仁而仁之由於性也可見性善之理質於 子弟子固非可據然此稱為鬼彼呵為子或未始非兩 然則郝氏猶分此章高子是子夏弟子而茅塞章高了是孟 高子考因學紀聞引徐整云子夏投高行子即詩序及孟 ースプ

宜日實未當能怨親日知錄引竹書紀年幽王三年嬖褒姒五 申人及犬戎入周弑王及伯服虜褒姒申侯許魯鄭立宜曰於 年王世子宜日奔申九年王立褒姒之子伯服爲太子十一 申虢公立太子余臣於擕周二王並立平王元年王徙雒邑晉 二二 新女 侯會鄭衛素從王入於成周二十一年晉文侯殺王子余臣於 平王烏能怨親烏得為親親之仁孟子亦就詩論詩耳 侯但知其冢嗣常立而不察其與聞於弑為可誅云云據此則 **携因謂申侯之伐幽王之弑不可謂非出於平王之志當日諸** 及其傳故路史謂孟子旣以爲人子之有怨則不得爲太子之 小弁為宜日之傳作焉者本之詩序而孟子此章之答並不言

傅作也又朱子論詩序謂小弁是放子之作無疑但未有以見 道以慰毋心而成其志鄭康成日母有嫁志七子自責以安母 其必為宜日耳趙註以小弁爲伯竒之詩是不以爲宜日也孫 心毋遂不嫁朱子亦曰以孟子之說証之序說亦是可見過 以母未嫁而言詩經小序凱風美孝子也又曰七子能盡其孝 疏似以爲伯竒卽宜臼是作詩之人說又不一 以水喻子 孫疏作石之激水此從說文作大石敵水者也則為以石喻母 二丁烷余 其母之一念過差而言孟子豈以失節為過小哉 宋悭章 凱風過小蓋 磯字解

孟子第
文 **牼之說孟子之遇固在此時也時秦惠王後元十二年楚懷王** 朱鈃同學于公孫龍然則經固當在齊聞氏因謂孟子與朱經 註謂宋鈃郎宋極漢書藝文志尹文子一篇劉歆云居穆下皋 視三年楚曾與四國擊寮為約長然非楚獨與秦戰惟赧二 有雅故以先王稱之云云,此推勘情事真是獨見至秦楚捷 秦以商於誑楚取漢中楚大與師欲深入擊秦事方是搆兵而 王二年之宋遇之也之宋在前而之任之齊在後也楊倞有子王二年之宋遇之也故此竟與下章聯叙則似孟子楊倞有子 此章言仁義之效要見得性中有仁義推而行之卽爲罷兵致 兵則自顯王三十三年至赧王元年中閒無秦楚搆兵事內愼 土之本焉 朱經趙註朱人石上孫疏朱地此當是孟子以赧 丰

先後以貴重原謂梁惠王三十五年是楚威王四年後七年而 謂不利也 十六年也而楚懷十七年與泰戰丹陽大敗此豈說而俱不遇 見之至懷王卒於秦是赧王十六年事原懷沙投江是赧王十 歷之年合之屈子所歷之年也今按此章則懷王怒疎屈平平 **楚懷王始立魯平公元年則楚懷王十五年云云此以孟子所** 耶後秦滅楚楚又以三戶亡秦俱於此構兵種禍也則真經所 爲蒙漆圍史高誘註宋之蒙人漆園有云在曹州在曹縣證 八年事孟子以赧王二十六年卒則固閱屈子生卒也又莊周 乃作離騷在獻商於之前富泰楚構兵時離騷已作孟子容可 附孟子與屈原同時考朱晁補之曾推其與孟子

証书精段 章又為下章作引按季氏本謂居鄒是孟子四十以前事者非 與孟子相見何哉 此與下章皆以孟子事實言蓋此篇是倦遊居鄒論次性善而 盗國十二 因類敘其居鄒事也此章見孟子之禮下章見孟子之仁而此 三十年立以顯王 建時此世後人 自宋滅曹故地入宋與鄒相去約三 **居鄒章** |梁惠王同時又有楚威王聘問事按楚威王以周顯王 世之說註謂自田成子至齊王建然莊子不應及齊 **) 赝入耶要之此二人皆與孟子同時而皆** 一四十年卒則莊子與孟子相際惟其書有齊 一四百里史記載其與 世

王時事而此章係是聯叙則處平陸亦在赧王時儲子爲相登 赧王五年秦武王置丞相而齊亦置相與其之任之齊俱以他 **心統全篇前後曹交朱牼慎子樂正子等章看則居鄒的為赧** 赧王時之齊則固當爲潛王時也蓋宣王薨湣王立後孟子即 **湣王及編年有謂因孟嘗君見湣王者說俱無據而此章要在** 至齊故可不見儲子若是前之至齊為卿則當與朝暮相見矣 子兩適齊之說謂 日質下非如陳臻章分出前日今日則更屬一 何云不見且惟其再至齊故值淳于髡而重提往事更以在三 之齊亦情勢所或有特是小小往來無關出處者耳惟暫 1 4 在游梁先一 在游梁後又史記以伐燕屬 時事古史有孟

五子育文 **數章作引蓋孟子之去以不用故乃不欲明王之不用而亦如** 吻此通上竟看自是孟子重至齊時事不然豈稷下先生亡去 卿鹹也不然名實未加而去云云不得謂爲臨別時語又豈得 伊尹入告于桀及竹書載商使伊尹來朝等說皆可爲就桀之 後或於他處相值耶 孔子以微罪去此正是仁處髡之言殊傲睨是終身不仕人口 此章以仁字作骨見孟子之仁非當世不仁者所可例正與下 如萬斯同謂此言初去齊時事及再至齊始值伐燕也哉 **有夏復歸於亳疏謂是陽貢之于桀又尚書大傳載覺較之謠** 名實章 五就桀考書序言伊尹去亳適夏旣醜 占

條周 関流沈 受 耳不約又 証至通 素王九主之事桀不聽四十載復歸於亳是尹之仕桀只三 ニニニジスク 謀之事矣誣湯尹實甚 **也其以爲五者惟鬼谷子亦言五就陽五就桀與孟子合** 為政不相屬者而大事記謂當時穆公欲友子思而不得况臣 至孫子反問篇謂陽之與也伊尹在商是以古聖賢為戰國焓 **像國耳然則言伊尹五就及七十設開流不遇可也言七十說增之也蓋明沈豹辨聖論皆以七十說屬孔子不受又淮南子載孔子欲行王道七應顧謂是屋言之非定為五也以至** 一盤則載桀三十七載商湯聘伊尹進之于桀伊尹爲陳 網目則載穆公元年尊禮子思以公儀休為相心 1 12 17 子思為臣趙註為師傅之臣此 Ē 則 面 十子解而智的 年

編日魯元公之世田齊正熾魯于是失莒失安陽失都削已甚 申詳為臣此不知何據然要與髡言子思為臣異 哭也髡言善哭則與櫃弓所云迎其柩於路而哭之哀相近若 樂死齊侯使弔而其妻辭以有先人敝廬不受郊弔而已不言 唇猶互相勝負也自穆公 立百六十年而亡豈非 路賢之有與 矣穆公立二年而失郕又十五年失最而韓來救則所以交鄰 後世言崩城言崩長城言孟姜言花即甚至言花杞梁則皆從 此附會而訛以傳訛也古來紀述之不可據如此華周不問 一必有道也又四年而敗齊於平陸又四年而為齊所破則齊 一哉而豈得謂賢者之無益于人國哉 **札梁妻左傳但載札** 魯削考前

御裳帶人之歌孔子者曰衮衣章甫孔子大夫當元冕服而云亥 之冕或謂為無旒之冕者非春官司服公之服衮冕節 妻言妻蒙札梁交 秦紀孔子六世孫子順有章甫裘衣語此豈又後人攺字即 衣章甫冠與衮衣不屬豈此歌乃好事者為之而非其實與按 且郊如致腦云云可証考問郊以周正孟春魯郊以夏正孟春 極為痛快云云然要見得是枯亡性善而不志於仁耳此章重 **此产當合後章看黄氏日抄謂此篇以至|良臣民賊警切世變** 是敗立公郊在定公十三年春也 二王三章 えるこ 膰是郊膰趙註祭於宗廟誤孔子曰脅今 **冕考孔子之冕是三旒**

在今之大夫今之諸侯罪人二句上今諸侯之互相爭殺皆由 蓋聲五獨之罪于摟伐也天子巡狩彼章泛言先王此則言二 其端以威武挑其學是也故當以富之強戰章為結穴 今之大夫以吞併之惡而長之逢之也仇渰柱所謂以富強發 夏之制也周則十二歲一巡狩孔額達日夏與殷如鄭志當六 王之巡狩也禮記王制天子五年一 節只重天子與雪宫章重諸侯者不同且尤重討而不伐二句 在二 唐的女 **[無考鄭孔說皆不知何據** 言五霸雖摟代尙以好為期豈有如今之 巡符六年者取半一 歲之律呂也要之夏殷巡符之年諸 五霸節重束牲載書言歸 **巡狩鄭康成日五年者虞** k

之臣解 殺者哉故以五霸罪今之諸侯也故都京山謂七國之縱橫五 当三人居务 當以首從定案也而孟子云云始尤為今之諸侯科罪哉 爾之盟會開之七王之兼併五霸之滅國尊之赧王看首獻地 此章從今之大夫說來慎子亦即其人也此重賣慎子之不仁 有封而不告李安溪調存亡繼絕如城楚上之類不作封本國 五霸之拔天子侮王室先之此其說則謂五霸與今之諸侯僅 在山東青州府西 一者不爲及引君當道志仁何可見當道志仁不並重道, 慎子章 葵丘今歸德府考城縣東若連稱管至父所戍之葵 グタイプ

有離乎仁者而事君者之不得用戰明矣 赿子篇教 法而孫疏以趙人慎到當之故慎到似不名清蓮矣然使慎子 泊為主慎到田駢以無知為主各言聞風亦聞道術之風爾並 墨子與公輸子論改宋有臣之弟子禽滑釐持臣之器以待楚 師清釐云云殊誤 不言慎到聞滑釐之風也則四書考謂慎子學于滑釐故述其 相近又莊子天下篇分別十人各一道術而墨子禽滑釐以贈 **超云云毛大可因鹊慎滑釐即禽滑釐然古文慎禽字形並不** 子亡去田駢如薛云云豈其爲將軍正去齊之魯時乎又疏引 而果稷下先生則鹽鐵論開湣王矜功不休百姓不堪慎到捷 一条ボ 薛氏以此事屬之平公謂是時宣王卒湣 **換子趙註謂善**

坐初立平公使慎子爲將軍此于年次爲合若明曹允昌謂時 位謂周公七百里則更夙誇言註謂并吞小國而得之如左傳 索應註即齊淮上泗上地然則非有實指地名於趙註謂山南 動云云此說未是樂毅攻齊是燕昭二十八年齊湣王三十年 里當以孟子之言為定其周禮侯方四百里不可為據至明堂 值燕昭復优樂毅下齊七十餘城惟即墨未下故魯人乘數而 之始尚有費伯後滅之以賜季友及取郭取邾滅項皆見於經 初年實非所及見 而赧王三十一年事並非齊伐燕而燕即復仇也孟子在赧王 日陽蓋泛言泰山之陽耳而齊之南即魯之北也 南陽即史記魯仰連傳楚取齊之南陽也 齊魯封百

五子語文 栗章要知彼章是申言仁政而此乃直揭志仁也兩章所以分 此章蓋以不知有仁其弊至於殃民禍國固以其不明性善之 惧子之反唇相稽者哉 此兩章見白圭之違道而行也按白圭亦是不志於仁者說到 可能孟子簪公族豈故隆言簪之封域耶且所言非質有不慮 耳故此為闡發性善之言 事君章 、所惡則猶然志仁之說耳 白圭兩章 一颗省六 富之強戰已見第四篇冉子賦 白圭趙氏謂卽貨殖傳之自 こく

貨殖傳之白圭則並不言是魏文侯時人蓋傳白圭周人也 時之白圭則韓非書謂白圭相魏鄒陽書謂白圭爲魏取中山 **圭而集註林氏復伸其說至四書釋地力辨是兩人以魏文侯** 生如孫吳用長尚較明法哉與李克對論非言其世解最斯生如孫吳用長尚較明法哉與文權國策譚極註胡首何特 李悝言不連白圭在內下接而白圭云云乃是言白圭史旣未 句已斷下云當魏文侯時李悝務盡地力一句是以魏文侯屬 者因以白圭為國將相豈能存於此時為國治水並計癸酉至 乙酉七十三年云云然竊以爲魏文侯時固有白圭而太史公 國策魏耶王時又有白圭論新城君及成陽君者鮑彪註爲魏 明其為何時人安在非指孟子時之白圭哉不然安得云治

山山二 新交 白珪是魏人耶又何所見而以為是魏非周耶倘史合之亦非 **周人善壅泉又善激水耶 姚則云亮之義其體在信其用在明倪開公謂尚書有亮采之** 此章執字註以事言然如中庸固執之義則亦以理言孟子或 云然相去旣三四十年安知非孟子之白圭是周人而國策之 可兼明誠趙註亮信也朱子以為說文無克字不別立解然孫 **亦恐天下言理者無所執持乎然則此章固為性善言又亮字** 又云趙歧以爲周人非也孟子稱之蓋至是三四十年矣云 治水章按國策東周欲爲稻西周不下水而白圭固周人 君子章 1.22.31 t

善發源來 按此篇 畧具孟子歸鄒後履歷如任人兩章的為赧 1911、作成 其為赧王時若慎子章當是孟子之魯相遇不然既水言慎之 此章好善是所以為政者而要亦不外乎仁義也善字直從性 文義本訓明則明字義似不可缺耳 王時居鄒情事如朱經三章則居鄒後更他出情事而亦可決 鄉聞之耶而要皆為平公時事計其叙次度必編年而高子 主陳子等章亦必因其人之時地相值也則此篇直可作孟 鄒而何以逕相問答耶至樂正子章疑事更在後或孟子仍 樂正子章 ノえご

三十二 新女 此章古之君子對今之大夫今之事君者言君子挾持有素量 別是以沙水言樂飢飢而不害未有餓而可言不害者若通 若不當道志仁而但以當強投時好者哉雖平說三仕而要以 之則飢餓可該 四書說引淮南子寧一月飢無 此章言大任推到動心忍性可見塞賢功名必從性分做起而 行其道從其言為主言行卽道行也反是則去矣 陳子章 大任章 乃所以爲君師之本地惟動心內已該性善而忍性 J. 1.75/ 旬餓蓋飢餓對言有輕重之 产 飢餓有别

五十八名 在学則以氣質言不專以義理言耳 孫叔敖金仁山謂即為 艾雅也 我為艾雅為買之子為買物即知于玉是楚之賢臣其 思在今河南固始縣 海故馬貢稱淮海地志稱淮康海也據此則亦可云皋于海期 是不屑教誨者而要亦未嘗不教誨也 子似不至淪落海濱荷卿呂寬只言期思之鄙人亦不云海而 [書正事括要謂期思當淮西之地淮水經期思北而東注 教人章 教酶只發明性善使人知有仁 11 NB. 甥郭以慶克家校字 「義禮智而已如告了正

晋子篇總論也此說可見七篇互相貫串處語録謂心性字到 語各自立議頗似莊子內外篇後之雜篇作墮筆記註體然其 孟子篇敍卷七 丘子爵牧 此篇章句鮪短與前六篇之議論縱横語意反覆者異零文碎 湖南講以告子篇言性言心俱各開說此合心性而稳言之是 章之言戰陣是也 亦有數章聯屬如前篇盡心數章之言性理後篇不仁哉數 盡心兩章 盡心全篇 華亭美兆翀孺山

御案以使民知所受之有中以正其德所禀之有命以定其志言 **好思孟子方說得詳 * 大學言心不言性中庸言性不言心孟** 字即有氣數之命在內不貳修身所以立命而亦所以順受也 此剖儒釋差處不外朱子吾儒說萬理皆實佛說萬理皆虛一 物之理而言禪家之所謂性則指其虛無中妙明淸淨者而言 亦言明心見性則昔人謂聖人之所謂性指健順五常日用事 兩章所以相發 按春官大宗伯有司中司命之祀 天命之謂性命字言謂理莫非命也命字謂氣然妖壽字俟之 子兼言之更覺了澈蓋真開宋儒心性之學也 言性又言命所謂窮理盡性以至於命也立命命字以 心性字釋家

五子語文 蓋以中卽降衷所謂人受天地之中以生而爲性者也命則 **旡要在求此即告子篇所言養心而歸到求放心之旨命當順** 費利達言要之人至生死關背已看澈刈 受不可妄求此亦以求字作結也上章言妖壽言死而此以富 此章上節言性下節言命叉以求字結上兩章性固在存養而 梏桎在足梏在頸易荷校卽此若在手者則為拲 於外物矣而能安命者乃正所以盡性也 |修短之數也然性命之理而特設之||祀則惟周官有之 求則章 萬物章 Make Va 切皆空自不營營

增備於我則益當求在我而因以求仁也續困勉錄以孟子論 性惟萬物皆備句較言性善更切實 此以羞惡之心鞭辟人以遷善改過蓋善卽是性過則非性如 此說亦見聯絡 視前六篇中以仁民|言者較細此專以心德|言 **疆恕而行者爲次此承上章而言爲下以爲通言有此三等人** 不知其道此固不能知性知天者熊氏禾分反身而誠者為上 說則與上五章一線耳 行之章 無恥兩章 此章仁字與誠字對言

11元二 5节交 此章與字是聖賢路上事註以降衷秉舜言則固從盡心知性 國之遊士前後皆無此也蓋士一出身遊說則人主畏其言之 愈出此士所以能囂囂也 王光承曰一代有一代之功名戰 義也章內賢王賢士並列而意重賢士下截唱獎而賢士身分 此章言古之賢士下章言古之人要之樂道忘勢即是尊德樂 不能免豈禁人遊但要必從道義出耳者此說遊字最暫闢 可為禍福而賓客奉之故稍有知畧者無不出此也雖孟子亦 待文王章 古之兩章 孟子所言豪傑非命世大賢不足以當之若如文子

於豪暴一 所言智過萬人謂之英干人謂之俊百人謂之傑十人謂之豪 此章重首句通節賛舜處皆從深山想出此是典謨所未道義 政教也仁聲亦從政教來是政教皆王道所不可少何况善政 則英俊且在豪傑上也此可另存一 孟子語有軒輊非謂可遂貶善政也 俱以治道言是一片說話總以寄其思王之心耳王者之道 外政教殺之利之便是政遷善便是教所過所存亦脫不得 舜之章 佚道 三章 一流則是意氣作用不足言矣 1 說再如後世所言豪傑涉

孽子不是庶子申生長子亦孽玉篇訓憂也可通 一正二 新月女 巳為四科優劣之差自割註入疏而註說反晦矣 舊本趙氏章旨以此章爲悅凡臣祉稷股肱天民行道大人正 此因上章言孤臣而類及之而大人天民卽下兩章君子分際 此章徐越謂君子生平大願力在此耳非謂已能有之也可見 |樂原自難全故以王天下為不與存也亦不與下章中天下 揮塵錄載張齊賢閍試以孟子註四科優劣之差為首題按 德慧章 有事君章 一樂章 アター 9

可一篇余 治岐也五十者杖於家六十者杖於鄉七十者杖於國見君指 宣王問子春然行孝弟之義子春日衛聞之樂正子日文王之 意翼註以根心生色為申言王天下不與存之蕴與言性分之 之非廣言之蓋謂冒乎天下而為天下英才云爾義可並存 此說亦細 後世三老五更之虛文也此意為第四篇所未及尚書大傳載 此章是註解文王養老之政見得養老卽在治岐之政內不是 樂酣暢於勢位道德之樂崇重於事功而謂篇次之脈絡相承 而立定四海之民君子樂之相背至不愧不怍即有所性分定 伯夷章 老人 天下英才註以盡得一世之英才問氏以為極言 U

孝弟之義達於四海此文王之治岐也按此亦爲文王養老之 所處盆高二句亦不觸背 蒙老者有養匹夫無飢說來也 此與上章義自各出然田疇句亦蒙田里句來食時用禮亦似 者杖於朝見君建杖進樹君如有欲問明日就其室以珍從而 二生二 岩门文 登東山二句質指孔子登之說本孔額達孫疏亦如此解與註 質而孟子之意顧不在此 作去八十者杖於朝見君揖杖而孝弟之義達於諸侯九十 易其章 孔子章 東山即東蒙山書日家與其藝 Ĺ

Щ 一統志蒙山在兖州府沂州費縣西北七十里居魯之東一名東 孳孳也不作欲覺問晨鐘令人發深省講 五子看金 **浙 受 存 愚 謂 雞 鳴 句 乃 單 起 全 日 孶 孶 講 言 由 雞 鳴 而 起 而 日** 新安謂考工記廣二零深二仭謂之澮仭與尋同爲八尺則孔 **似之說此章趙註八尺也與房氏管子註同證皆本之孔傳陳** 似字解不當如孔鮒小爾雅註四尺為似包氏論語註七尺日 雞鳴章 有爲者章 一人後ノ £

.一工.一、四月文 以為放爾明張伯羽取其說書於伊尹古像之後可廣異問 與放逐事同故亦稱放今 按左傳加奚之言云伊尹放太甲於 放太甲書序伊尹放諸桐孔安國日不知朝政日放孔頡達日 其意以為尋常無所事事而食便是素餐故解此句正當如朱 季昭言是伊尹教太甲於桐古字放字與教篆文相似故後人 素餐非調無功食減也丑言不耕而食亦不是以傳食諸侯言 此與下章一例不耕即何事意其君用之卽大人之道備矣 而相之卒無怨色孟子說到篡字固亦以為放也岩元人孫 素餐章 伊尹章 W. W. 1.1

行耳 當前原不礙其為不耕而食也用之固不以傳食言又何當指 此章論何事與彭更之言無事不同彼以遊歷諸侯言尚是其 字也孟子答之是不素餐大道理乃虛擬將來非剖解現在而 鄉學升之司徒而謂之士謂之士者大抵皆有祿之人耳若 子詩經傳就一人厲志上說解作不空食為長而不必說到祿 言食祿哉又註引彭更許行實則丑之見不似彭更而直似許 而此直採本言之也日知錄謂三代之時必民之秀者收之 一商四民之說起於管子春秋之世游士日多戰國之君遂 王子塾章

ごユニ 皆文 官大司徒於九職增為職事十有二則增學藝世事服事鄭泉 以士為輕重王子墊之問其有近古之思與按周禮天官家室 之爾要不盡由於管仲也若孟子所言尙志當即從學藝剖出 當爲别士與農之緣始說者每謂古士即爲農要之亦必有不 亦不能遽為有禄之人所以有任官後爵位定後祿之法也此 <u> 秋禮樂冬夏詩書必不即以農民兼之而自分為讀書之士而</u> 以學藝為學道藝據此則氏學藝者當遵學正四術之教而春 大夫百官商旅農夫婦功內有服官之士而無讀書之士惟地 能兼者蓋此局實自周公制作開之後來日漸濫觴而管仲因 \九職任萬民不出農工商三者考工記國有六職則王公士 ごを K

地曼隨花 又半為唇地臺於秦即此後入於齊耳地國語是以又半為唇地莊三十年樂後入於齊耳 **靖郭君孟嘗君之於薛乎不然王子豈容在七八百里下邑而 范趙註齊邑王庶子所封食也四書釋地以為王子在范殆猶** ニュニ イスタ 此章孟子直論聖賢之心而巳若如路史以爲舜不難於隱法 見得不是空空學藝已也此有道非虛器之理在 為孟子望見乎 考范是今東昌府濮州范縣春秋時半為晉 工書亦言女作士可見唐虞作士若士師之稱則在周官 不難於棄士則是猶為理縛不是尚論心胸也 桃應章 此章言為 宫室重

其君則下其君之禮一 馬衣服周禮春官典命於宮室車旗衣服分上公九命以九為 東城南門也 侯伯七命以七為節子男五命以五為節又諸侯之適子攝 傳呼者 呼故為監門者所疑而孟子因以証氣體之移也則呼字 五命以五為節固有不與人同者然此殆難概之戰國稱王 短喪章 呼於垤澤之門呼如局禮條狼氏詩侯人荷戈與父皆 而趙註以城門不自肯夜開故君自發聲耳按惟其 垤澤閬氏謂即左傳澤門之哲之門杜氏註朱 等接齊為侯國當七命以七為節王子

完業體有庪子歷於父無歷於嫡母自趙岐誤註孟子而諸儒因 一品子。青女 慈母如毋節 **敢服是王子本以父在不得服非以嫡毋故也禮記曾子問** 陳氏歷於嫡母之 即朱子集註猶未免治誤矣 ,即指孔子註雖以孟子並言然孟子口申則亦言孔子而 王子不得行喪親之服按儀禮喪服記君之所不服子亦 五教章 道則章 ランダン 說蓋本趙氏齊宣王之康夫人死迫於

此章施之有序內亦有當務意故與下章類敘 知而以當務為即親賢以節末單提親賢為証然究亦不必串 知之當務之急蓋凡事皆有所當務四書釋地謂論仁即是論 此章道字固兼修已治人言此如大學之明新雜開不得然出 於器中為放飯此亦一 是欲孟子貶道固欲孟子貶敎故孟子以敎言之 君子章 放飯古人飯皆以手惟飯黍以七鄭康成乃以葉手餘飯 知者章 梁惠工四章 說然非孟子謂為不敬之大者意

このこ を月かっ

此四章皆論戰征之事首章三章四章言仁二章言義是其相 巳有司馬法孫子吳子其餘若范蠡文種及孫鞅孫臏之徒皆 借春秋以甚戰國也 秋之戰尙不至如戰國而孔子作春秋已不義之兇戰國乎此 房後復歸為太子越二十二年死於齊耳 一是三十一年商九年秦魏戰於少梁為恭所虜之魏太子也一是三十一年商 聯屬大旨首章不重論惠王特為下敷章論戰作緣起耳 子弟考一 《魏魏乃獻河西之地於秦以水和遂去安邑都大梁也 自將兵伐魏魏使公子邛將鞅詐請盟伏甲士虜公子邛大 將太子申為上將軍被孫廣敗於馬陵太子申被房門馬工司 是惠王三十年伐趙齊救趙擊魏惠王大與師使處 盡信書書字翼註謂指談兵之書蓋時

M 說也若逕指尙書則尤含下武成言之 作戟熊無需杵臼之事安得杵而漂之四書說謂杵端有鐵若 基文王但稱西伯何得言膺命此皆不可信,此則又不止流 武成言太王肇基王迹文王誕膺天命太王為狄所廹安有肇 解賈疏築築杵也以築壁壘則軍中可以築杵言又漂固有漂 石極重之物漂者過甚之辭故此似太泥周禮地官鄉師周輦 兵書故孟子斥之以為武成且有夸誕之詞况其他耶此 言矣 一義而亦有漂灑之意未始不可通其說也特仁人用兵尙 2K1 \ 3 革車困學紀聞引孫子作戰篇凡用兵之法馳車 漂杵孫疏作春杵論衡謂殷周士卒皆實盛糧或 **二三策容齋隨筆謂**

丘子/ 清文

車輕車之異江愼修謂七十二人者上乘之本法三十人者調 康成引司馬法之革車一乗士十人徒二十人者則革車無重 人為一 車甲士三人步卒七十二人炊家子五人固守衣裝五人廐養 百乘恰當三千人也放唇質公車干乘公徒三萬正此司馬生百乘恰當三千人也按三千人僅以上言若合徒計之則九工 發之通制今若以百人為一乗則書序謂虎萬三百人孔傳謂 干駟革車千乗帶甲千萬曹公註馳車輕車也古者司馬法一 為百夫長是一虎賁配.一車而戰而三百乗共當三萬人至孟 子作三千人則當如典故辨正謂虎賁殆即以甲士言之而三 人樵汲五人輕車七十五人重車二十五人故一乗兼一 隊而革車是重車外另有輕車也至周禮小司徒註鄭 百百

牙鄭康成調征行之事例不取爪牙之士詩故訴之也故此則 十人者三至虎賁則周禮職謂衛王宮守王閑若今之侍衛親之一乗三年虎賁則周禮職謂衛王宮守王閑若今之侍衛親 武王用虎質豈專用親軍歟又豈周禮之虎賁或其後設官則 軍也加父之詩所謂子轉於恤者子謂司右虎賁之屬故云爪 ニュニ と行文 · 苟非其人句孫疏作苟非好名之人視註作本非能輕富貴之 車三百乗以要甲子之戰言皆與孟子合則孟子為可據 三千人革車三百乗斬紂於牧呂氏春秋武王虎賁三千人筋 然而武王時殆泛以虎士名之與戰國策蘇秦說魏日武王卒 人解義似淺而於語氣却肖 好名章

愛置以地言若神則如左傳幣二所載由土正而為共工之句 是謂乘馬之法孟子旣言上民當如趙註以一上 龍由烈山之柱而為周粟此亦似變置然此古僅有之事非以 費邑之社稷兹言變置殆指旱乾水湓所值地方之社稷也又 畝為民 馬四疋兵車一 此草是孟子獨闢之論古所未有 此言變置也 魔大小有之不止中門外所建如子路於費宰言社稷便是 民為貴章 一百四十四夫所受者 **若至四上六十四井則有戎 一乗牛十二頭甲士三人卒七十二人干戈備具 上趙註上十六井也孫疏蓋田一萬四千四百 社稷 按 社稷自王國至州

丘产等文 此從百世後慨想聖人不是實擴夷惠事蹟也故此章三百世 此章是言去國各有道故另著去他國之道句與萬章篇自別 孟子是自著豈有重出耶 四書釋地云此章不宜云重出論語是諸弟子所記容有重出 [上]言則其得民即是| 旅景象此於三字尤著實 二聞字最重 聖人章 君子章 孔子章 年成聚二年成邑及有田一 <u>-</u> 成有衆

陳蔡之圍也考孔子在陳比經五年共二次其初則於定公十 三年適 見南子事及靈公與夫人同車去衛適陳主司城貞子家居陳 聘而陳蔡大夫圍之者朱子曰是時陳蔡臣服於楚焉敢圍 過浦月餘仍反衛主蘧伯玉家遊陳定公十五年在衛穿垣而入之是暴匡也及子遊匡亦顏刻為僕故聞之園定六年公侵鄭取匡是時陽貨在軍匡城遊鉄貨與顏園 始太史公觀孟子列傳以孔子菜色陳蔡孟子厄於齊梁並 接孟子此章言無上下之交是直謂為無昭王之聘非問 蓋亦推見此章大肯而為言也 衛主 子慨嘆孔子當有自寓意 按古今來躋孟子於孔子者 原維由家居十月去宋 將適陳有匡人之厄是鄭 陳蔡之厄史記謂楚邓王

以為城者也時楚郡婼今襄陽府至蔡則初封在今汝寧府上裕州之葉縣有方城山所謂方城至蔡則初封在今汝寧府上四年孔子去陳適蔡二次五年在蔡六年自蔡遷葉又反蔡桑 五子篇枚 察畔楚即吳請遷二年蔡遷吳之州來今壽州所謂下蔡者也 靈公問陳孔子復至陳絕糧三年魯召冉求孔子有歸與之嘆 **故地非復蔡國陳固不必圍巳在蔡之孔子蔡又何必從下蔡** 六年吳伐陳楚敦康軍旅倥傯孔子或於蔡葉往來時厄耶又 越境來圍耶若孔子之厄四書釋地謂因吳楚搆兵而厄蓋哀 至哀四年蔡昭侯已為蔡翩所弑矣而孔子之去陳適蔡祗蔡 19/35/七 一年去陳過蒲又反衛主蓬伯玉家一次哀公二年 圭

弟子巳陸續先歸耶至哀六年孔子當六十三歲而子游少孔 要之陳蔡之圍旣已非實則昭王之聘自不可據而子西之阻 子四十五歲則時方十八歲子夏少孔子四十四歲則時方十 求有用矛之事夏會齊之役子貢有州仇奉甲而拜之對豈門 圓其說矣又孔子以哀公十一年冬歸魯而十一年春清之役 有仕季意者家臣權輕或可暫含師門誼重仍須省侍耶此可 史記併絕糧見厄為一事非是至厄陳蔡而有四科之從雖哀 更英問其有無也又據此知絕糧在哀二年陳蔡厄在哀六年 有調孔子之楚者其即以遷葉為之楚耶抑遷葉後更之楚耶 公三年季氏已召冉有歸魯而六年仍列冉求者則閻氏謂冉

コニイスタ

御案謂朱子詩集傳作於淳熙四年丁未冬十月四書集註序作 章仍以爲仁人恭繹詩經柏舟章詩序 集傳成而祖謙不及見矣朱子毎以爲憾是詩傳固已兩易矣 德行以下别為一章也 時朱子以序說爲不足信質之呂祖謙而祖謙不以爲然及後 憂心悄悄詩小序以為仁人不遇而朱子詩傳以為婦人至此 於淳熙十六年已酉六月嘗觀讀詩紀中朱子初說多從序義 游甫十歲子夏甫十一 九歲而何以已列文學之科耶且孔子定公十三年去會時子 貉稽章 歲耳而已從遊遠出耶所以皇氏疏以 1

<u> 棠齊邑也後漢書那國志卽墨有棠鄉此章發棠日知錄謂爲</u> 此說四書考異採之 槌同義也解作凡追擊之處皆推殘欲絕有如蟲醫之形云云 此皆以高子事類記也追蠡趙註云追鐘紐朱註更引豐氏解 既易詩傳仍從序說固當以孟子註為定而逕指爲仁人也 迨晚年而四書集註成其於柏舟之義已三易矣遵此則朱子 二二条 之而焦竑以爲穿鑿謂當爲堪擊之追如楊子搥提仁義而追 齊饑章) 菜當時即墨爲齊之大都倉廩在焉亦從可知也 高子二章 ラスト

逃墨歸楊蓋不以流弊言故殊於不歸楊則歸墨之說 此章以楊墨之宗旨言則兼愛之泛濫不若爲我之謹飭故言 此章明正子之學問而又舉美大聖神殆亦以引進之與按 此可互相準也 約而為泰可見有而充實是善人光輝則君子再上則聖人矣 為有充實之謂美則非虚而為盈充實而有光輝之謂大則非 孟子所言與孔子聖人君子章合蓋有諸巳之謂信則非亾而 逃墨章 樂正子章 iĒ

與之日若以賦爲口率出泉則是有田稅而又有丁稅也孟子 遂師辨其可任者皆征之後鄭以征為口率出泉則爲僱役王 孟子與齊梁言若只有百畝之稅觀此乃知固有三賦也布樓 此知僱役之說實聖經之薄蝕 者差役而僱役亦行其間則引周官鄉大夫辨其可任者征之 調即此租是粟米庸是力役調是布縷也按力役之征或謂古 言栗米即田賦也布縷即嬪婦所貢也至力役之征成周只以 五畝之宅所出粟米百畝之田所出力役一身所出唐人租庸 尺七尺之上下均其多寡非如漢之有更鐵唐之有庸錢也 盆成括章

孫疏以盆成括嘗欲學於孟子故宋政和以列於弟子朱竹垞 夫子字趙註作夫我設敎授之科是不以為夫子字然孫疏已 孟子先揣其死而後乃見殺也與景公時之盆成括自各 孟子弟子考引晏子春秋景公夜問男子哭者問晏子晏子對 丘广清文 此章四而字是倒縮轉口氣不是順遞下口氣觀未節可見 作夫子解 云云謂與景公同時不當與孟子弟子之列按死矣見殺是 西郭徒居盆成括也父之孝子兄之順弟也又當爲孔子門 之滕章 アルン |-

豆丁盾余 數尺則四垂之軒張深邃可知按其說本考工記之殿四阿為 |核題典故辨正謂是樣之在檐下者題椽頭也.檐下之椽頭長 異之字以道言以仁義言此則直指性耳反之亦反於性耳下 此與前章異前重五霸此只就堯舜湯武說性者也與性之也 不下帶按凡視下於帶則憂本以視答言而此則假象明之也 而已然則孟子言說大人此自當以人君盍按易言大人原有 言江愼修儀禮釋宮謂人君之堂屋四注大夫士則南北兩下 一節空言性反不粘堯舜湯武說 堯舜章 說大人章 A

御案古天子賜姓諸侯命氏然姓必賜於天子而氏不必皆命於 陳名亢子貢姓端木名賜子文姓鬭名穀於蒐皆以 姓與氏别禮記曲禮不知姓節 **諸侯如晉孔氏以祖孔父為氏而性子鄭孔張以祖子孔字為** 太公姓姜呂氏名尚其别姓氏甚明至子夏姓卜名商子禽姓 氏而姓姬衛孔圉則孔氏而始姓陳孔寧則孔氏而媽姓是氏 问 義有九二之大人亦有九五之大人也 姓氏後世不復分但日姓某雖史筆亦然日知錄謂朱註如 姓與明矣遵此須知孟子言姓所同則不分姓氏也趙彦衛 曾皙章

杉

耸舍颜閃由求輩而顧思此三子哉 孔子惡紫奪朱羽學紀 桓公好服紫衣齊人尚之五素易一紫皆衰周之制也 以琴張曾晳牧皮實之此以在魯不從遊者言不然聖門多才 係之哀三年然其寅本一也閻氏謂繫在哀三年爲是蓋綠唇 史記以歸與之歎語孟所載各殊乃以孟子係之哀元年論語 孔子在陳思在士此不在陳蔡之時其係之哀六年時者非也 開調周衰諸侯服紫玉藻元冠紫綏自魯桓公始也管子云齊 召冉求歸魯而因有思歸之歎也此說最的至論在士而孟子 齊宣王姓田氏名碎驅則併姓氏而一之矣登沿昔人之誤與 丘子等交 句朱子集註用林氏無有見知則五百歲後豈有聞知艱註謂 此章方是歷敘道統而以已終之之意與滕文篇好辨章之但 亦無以自處王罕皆滙參則於側重見知之處概加刪削但用 此反言以決之也然正言之究竟顏曾子思一齊掃却卽孟子 葢孟子只言即今若不負荷修明則將來必至晦盲失墜自任 虚還調世近居近明明打著自己末二句忽然棹開深情無限 十之七責望人共爲仔肩者亦十之三也張敬夫云孟子於 子實聞而知之言無有乎爾非遂無也葢疑之也據此則不 |聖離婁篇存之章之但言治統者不同然而無有乎爾| 堯舜章